

Brjef landshöfðingja til amtmannsins yfir suðuramtinu og vesturamtinu um 36
 endurborgun sveitarstyrks¹⁾ — Eptir að jeg hefi með þóknanlegu brjefi yðar herra 2. febr.
 amtmaður, dags 30. f. m. meðtekið álit sýslumannsins í Strandasýslu um kröfu Nauteyrarhrepps í Ísafjardarsýslu á hendur Hrófbergshreppi í Strandasýslu út af kostnaði við
 dvöl þurfamannsins Eyjólfssonar og hyskis hans í Nauteyrarhreppi veturinn
 1883—84, skal jeg hjermeð þjónustusamlega skora á yður að leggja fyrir hreppsnefnd
 Hrófbergshrepps að greiða Nauteyrarhreppi ofanefndan kostnað með þeirri upphæð er
 sýslumaðurinn í Strandasýslu hefur samþykkt, eða með 243 kr. 72., því jeg verð að
 fallast á það álit sýslumannsins að borgunin fyrir hýsingu á Eyjólf og hyski hans hjá
 Bjarna Gíslasyni hreppstjóra (1. liður a. í reikningi Nauteyrarhrepps) sje að ástæðulausu
 sett hærra en önnur hýsing á Eyjólf og hyski hans, sem færð er til á reikningi Nauteyrarhrepps.
 Reikningur Nauteyrarhrepps og álit sýslumannsins í Strandasýslu um
 hann endursendast.

Brjef landshöfðingja til amtmannsins yfir norður og austuramtinu 37
 um brot gegn verzlunar- og siglingalögunum. — Í þóknanlegu brjefi, dags. 5. febr.
 14. nóv. f. á. hafið þjer, herra amtmaður út af því að það hafi komið fyrir trivegis á
 síðastliðnu sumri að skip, sem komu beint frá útlöndum og ekki höfðu gjört grein fyrir sjer á
 neinu löggiltu kaптúni, lögðu upp vörur, annað í Hrísey og hitt á Hjalteyri, beiðst úr-
 lausnar minnar um það, hvort þessi brot gegn verzlunar- og siglingalöggjöfinni beri að
 skoða sem brot gegn lögum 15. apríl 1854 eða gegn lögum nr. 28. 7. nóvbr. 1879,
 3. gr., en að yðar áliti á þessi síðarnefnda lagaákvörðun að eins við, er verzlao er á
 hlutaðeigandi skipum.

Út af þessu læt jeg eigi hjá líða að tjá yður þjónustusamlega að jeg álit að það
 komi undir lög um siglingar og verzlun á Íslandi 15. apríl 1854, en eigi undir 3. eða 4.
 gr. sbr. 6. gr. fyrnefndra laga 7. nóvbr. 1879, er vörur eru lagðar á land og eins stend-
 ur á og að ofan er greint, ef eigi er fólgin nein verzlun í landflutningi varanna, þar
 sem þær eru lagðar á land.

1) Áður var í máli þessu með brjefi til amtmannsins yfir suður- og vesturamtinu 16 maí
 1888 úrskurðað á þessa leið:

Með þóknanlegu brjefi dags 26. f. m. hafið þjer, herra amtmaður, sent hingað ýms skjöl
 snertandi kostnað við dvöl þurfamanns nokkurs Eyjólfssonar og hyskis hans veturinn 1883—84 í
 Nauteyrarhreppi í Ísafjardarsýslu, er það var á leið á fátækraflutningi til framfærsluhrepps Eyjólfss
 Hrófbergshrepps í Strandasýslu. Hafið þjer með brjefi til sýslumannsins í Ísafjardarsýslu 19. ágúst f. á.
 álitid, að kostnað þennan. sem talinn var 284 kr., en hreppsnefndin í Nauteyrarhreppi hefur samþykkt að
 færður verði niður í 256 kr. 12 a., beri að skoða sem annan fátækrastryrk, er endurborgast eigi af
 framfærsluhreppi Eyjólfss, Hrófbergshreppi, en eigi sem fátækraflutningskostnað, er jafna eigi niður á
 hreppa Ísafjardarsýslu. En hreppsnefndin í Hrófbergshreppi hefur ekki viljað sætta sig við nefnt álit
 yðar eða úrskurð, og því skotið spurningunni undir úrskurð minn.

Fyrir því vil jeg þjónustusamlega tjá yður, að jeg er yður samdóma um að kostnaðinn við of-
 annefnda dvöl greinds Eyjólfss sonar og hyskis hans í Nauteyrarhreppi beri að endurgjalda af
 framfærsluhreppi hans Hrófbergshreppi sem annan fátækrastryrk, en að því er snertir upphæð kostnaðar
 þessa, þá ber það undir sýslumanninn í Strandasýslu að úrskurða um það, hvort hún sje hæfleg, áður
 en til æðri úrskurðar geti komið um það efni.